

igitur honorem adveniēti Spiritui sancto, qui ex summa cœli arce descendens, proturbatis fraudibus tuis, divino fonte purgatum pectus, sanctificatum Deo templum et habitaculum perficiat: ut ab omnibus penitus noxiis præteritorum criminum liberatus servus Dei, gratias perennes Deo referat semper, et benedicat nomen sanctum ejus in sæcula sæculorum.

R. Amen.

24. Item super unum masculum tertio dicat ut supra: Ora, Elécte, flecte gēna, et dic: Pater noster, etc., usque ad Orationem, Deus Abraham exclusive.

Deinde imponit manum super eum, dicens:

Exorcismus.

Exorcizo te, immunde spiritus, in nomine Patris, ✠ et Filii, ✠ et Spiritus ✠ sancti, ut ex eas, et recedas ab hoc famulo Dei **N.** Ipse enim tibi imperat, maledicte damnate, qui pedibus super mare ambulavit, et Petro mergenti dexteram porrexit.

25. Exorcismus. Ergo, maledicte diabole, etc., et repetit totum, ut supra habetur.

Super feminam vero Sacerdos dicit: Ora, Elécta, flecte gēna, et dic: Pater noster, etc., ut supra pag. 28. usque ad Orationem, Deus Abraham exclusive.

Deinde imponit manum super eam, et dicit:

Orémus.

Oratio.

Deus cœli, Deus terræ, Deus Angelorum, Deus Archangelorum, Deus Patriarcharum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus omnium bene viventium, Deus, cui omnis lingua confitetur, et omne genu flectitur, cœlestium, terrestrium, et infernorum: te invoco, Domine, super hanc famulam tuam **N.**, ut eam custodire, et perducere digneris ad gratiam Baptismi tui. Per Christum Dominum nostrum. **R.** Amen.

26. Deinde dicatur Exorcismus. Ergo, maledicte diabole, recognosce sententiam tuam. ut supra pag. 28.

27. Si plures fuerint feminae Catechumenæ, hic et in sequentibus Sacerdos dicat in numero plurali: Orate, Eléctæ, flectite gēna, et dicite: Pater noster, et reliqua ut supra usque ad Orationem, Deus Abraham exclusive. Deinde imponit manum super capita singularum, et postea in eodem numero plurali dicit Orationem, Deus cœli, Deus terræ, etc. et Exorcismum, Ergo maledicte diabole, etc. ut supra, pag. 28.

28. Interim super unam tantum, secundo, et tertio repetit, Ora, Elécta, flecte gēna, et dic: Pater noster, et reliqua, ut supra, pag. 28. usque ad finem Orationis, Deus Abraham; qua finita, imponit manum super caput ejus, et post tertiam signationem, dicit:

Exorcismus.

Exorcizo te, immunde spiritus, per Patrem, ✠ et Filium, ✠ et Spiritum ✠ sanctum, ut ex eas, et recedas ab hac famula Dei **N.** Ipse enim tibi imperat, maledicte damnate, qui cæco nato oculos aperuit, et quatruiduānum Lázarus de monumento suscitavit. Ergo, maledicte diabole, etc. totum ut supra, pag. 28.

29. Super utrumque, sive masculum, sive feminam imponit manum super caput ejus, et dicit:

Orémus.

Ætérnam ac justissimam pietatem tuam deprecor, Domine, sancte, Pater omnipotens, ætérne Deus, auctor luminis et veritatis, super hunc famulum tuum **N.**, ut digneris eum illuminare lumine intelligentiæ tuæ: munda eum, et sanctifica: da ei scientiam veram, ut dignus efficiatur accedere ad gratiam Baptismi tui, teneat firmam spem, consilium rectum, doctrinam sanctam, ut aptus sit ad percipiendam gratiam tuam. Per Christum Dominum nostrum.

R. Amen.

30. Si plures fuerint Electi, sive mares, sive feminæ, præcedentes Orationes et Exorcismi dicantur in numero plurali, et in genere proprio, ut superius dictum est.

31. His peractis, Sacerdos sinistra manu apprehendens dexteram Electi prope brachium, vel ei porrigens extremam partem stolæ, introducit eum in Ecclesiam dicens:

N. Ingrédere in sanctam Ecclesiam Dei, ut accípias benedictiónem cœlestem a Dómino Jesu Christo, et hábeas partem cum illo, et sanctis ejus.

R. Amen.

32. Si plures fuerint, dicat in numero plurali:

Ingrédimini in sanctam Ecclesiam Dei, etc.
et introducat eos, ut supra.

33. Et ingressus Electus procumbit, seu prosternit se in pavimento, et adorat.

34. Deinde surgit, et Sacerdos imponit manum super caput ejus, et Electus cum eo recitat Symbolum Apostolorum, et Orationem Dominicam.

35. Ita etiam si plures fuerint, omnes surgunt, et simul recitant:

Credo in Deum, Patrem omnipotentem, creatorem cœli et terræ. Et in Jesum Christum, Filium ejus unicum, Dóminum nostrum: qui conceptus est de Spiritu sancto, natus ex María Virgine; passus sub Póntio Piláto, crucifixus, mortuus, et sepúltus; descendit ad inferos, tertia die resurrexit a mortuis: ascendit ad cœlos, sedet ad dexteram Dei Patris omnipotentis: inde venturus est judicare vivos et mortuos. Credo in Spiritum sanctum; sanctam Ecclesiam catholicam, Sanctorum communionem, remissionem peccatorum, carnis resurrectionem, vitam æternam. Amen.

Pater noster, qui es in cœlis, sanctificetur nomen tuum: advéniat regnum tuum: fiat volúntas tua, sicut in cœlo, et in terra. Panem nostrum quotidianum da nobis hódie: et dimítte nobis debita nostra, sicut et nos dimittimus debitoribus nostris. Et ne nos indúcas in tentationem: sed libera nos a malo. Amen.

36. Tunc rursus Sacerdos imponat manum super caput Electi, et dicat:

Exorcismus.

Nec te latet, sátana, imminere tibi pœnas, imminere tibi torménta, imminere tibi diem judicii, diem supplicii sempiterni; diem, qui venturus est velut líbanus ardens, in quo tibi, atque univérsis ángelis tuis præparátus sempiternus erit intéritus. Proinde damnáte, atque damnánde, da honórem Deo vivo et vero, da honórem Jesu Christo Fílio ejus, da honórem Spirítui sancto Paráclito, in cujus nómine atque virtúte præcipio tibi, quicumque es, spíritus immúnde, ut éxeas, et recedas ab hoc fámulo Dei **N.** quem hódie idem Deus et Dóminus noster Jesus Christus ad suam sanctam grátiam et benedictiónem, fontémque Baptismatis dono vocáre dignátus est: ut fiat ejus templum per aquam regeneratiónis in remissionem ómnium peccatorum. In nómine ejúsdem Dómini nostri Jesu Christi, qui venturus est judicare vivos et mortuos, et sæculum per ignem.

R. Amen.

37. Similiter si plures fuerint, imponit manum super capita singulorum, et dicit eundem Exorcismum in numero multitudinis, et genere suo.

38. Postea Sacerdos pollice accipit de saliva oris sui, et tangit aures, et nares Electi; tangendo vero aurem dexteram et sinistram, dicat:

Ephpheta, quod est adaperire; deinde tangendo nares, dicat: **In odórem suavitátis.** Et subdit: **Tu autem effugáre, diábole; appropinquábit enim judicium Dei.**

39. Deinde interroget Electum: **Quis vocáris?**

Et ipse respondet: **N.**

Interroget: **N.** Abrenúntias sátanæ?

R. Abrenúntio.

Interroget: **Et ómnibus opéribus ejus?**

R. Abrenúntio.

Interroget: **Et ómnibus pompis ejus?**

R. Abrenúntio.

40. Tunc Sacerdos intingit pollicem dexteræ manus in Oleo sancto Catechumenorum, et inungit Electum primum in pectore, deinde inter scapulas, in modum crucis, dicens:

Ego te línio Oleo salutis ✠ in Christo Jesu Dómino nostro in vitam ætérnam. R. Amen.

V. Pax tibi. **R.** Et cum spíritu tuo.

41. Mox bombacio, vel re simili tergit pollicem, et loca inuncta, et subjungit, dicens:

Exi immúnde spíritus, et da honórem Deo vivo et vero. Fuge immúnde spíritus, et da locum Jesu Christo Fílio ejus. Recéde immúnde spíritus, et da locum Spíritui sancto Paráclito.

42. Quando plures sunt Electi, idem fit circa singulos eorum.

Hic Sacerdos deponat stolam, et pluviale violaceum, et sumat aliud albi coloris.

Et ducitur Electus ad Baptisterium: ubi si ob aliquam causam non habeatur sive præparata non fuerit Aqua baptismalis, fiat benedictio Fontis, ut infra ponitur.

Et cum fuerit prope Fontem, Sacerdos interrogat:

Quis vocáris? Respondet: **N.**

43. Interrogat: **N.** Credis in Deum Patrem omnipoténtem, creatórem cœli et terræ? **R.** Credo.

Interrogat: **C**redis in Jesum Christum, Fílium ejus únicum, Dóminum nostrum, natum, et passum?

R. Credo.

Interrogat: **C**redis et in Spíritum sanctum, sanctam Ecclésiám cathólicam, Sanctórum communionem, remissionem peccatórum, carnis resurrectionem, et vitam ætérnam? **R.** Credo.

Iterum interrogat, dicens: **N.** Quid petis?

Respondet: **Baptísmum.**

Interrogat: **V**is baptizári?

Respondet: **Volo.**

44. Tunc Patrino, vel Matrino, vel utroque (si ambo admittantur) admota manu, tenente seu tangente Electum, vel Electam, aperto capite, et laxatis a collo vestibus, inclinatum, Sacerdos vasculo vel urceolo hauriat Aquam baptismalem de Fonte, et cum ea sub trina supra caput in modum crucis infusione baptizet Electum, seu Electam, in nomine Ss. Trinitatis, sic dicens:

N. Ego te baptizo in nómine Patris, ✠ fundat primo; et Fílii, ✠ fundat secundo; et Spíritus ✠ sancti, fundat tertio.

45. Si Aqua, quæ ex capite baptizati defluit, non dilabatur in sacrarium Baptisterii, recipiatur in subjecta aliqua pelvi, et in illud postmodum projiciatur.

Cum plures sunt Electi, singillatim singuli interrogantur, et baptizantur, ut supra.

Si sunt mares et feminae, primum mares, deinde feminae.

Verum si probabiliter dubitetur, an Electus fuerit alias baptizatus, dicat Sacerdos:

Si non es baptizátus, ego te baptizo in nómine Patris, ✠ et Fílii, ✠ et Spíritus ✠ sancti.

46. Deinde Sacerdos intingat pollicem dexterum in sacrum Chrisma, et perungat verticem Electi, in modum crucis, dicens:

Deus omnipotens, Pater Dómini nostri Jesu Christi, qui te regenerávit ex aqua et Spíritu sancto, quique dedit tibi remissionem ómnium peccatórum, ipse te líniat Chrísmate salutis ✠ in eódem Christo Jesu Dómino nostro in vitam ætérnam.

R. Amen.

V. Pax tecum. **R.** Et cum spíritu tuo.

47. Tunc bombacio vel re simili pollicem tergit, et imponit capiti Electi chrismale, seu candidum linteolum, et dat illi vestem candidam, dicens:

Accipe vestem cándidam et immaculátam, quam pérferas ante tribúnal Dómini nostri Jesu Christi, ut hábeas vitam ætérnam. R. Amen.

48. Et Electus deponit priores vestes, et induitur novis albi coloris, vel saltem exteriore candida, quam a Sacerdote accipit.

Postea dat ei Sacerdos cereum, seu candelam accensam in manu dextera, dicens:

Accipe lámpadem ardéntem, et irreprehensibilis custódi Baptísmum tuum: serva Dei mandáta, ut cum Dóminus vénerit ad núptias, possis occurrere ei in aula coelésti in vitam ætérnam. R. Amen.

49. Ipse vero Neophytus eundem cereum accensum manibus teneat usque in finem, præterquam dum confirmatur.

50. In Ecclesiis autem ubi Baptismus fit per mersionem, sive totius corporis, sive capitis tantum, Sacerdos accipiat Electum per brachia prope humeros, et superiore parte corporis nudatum, reliqua honeste contectum, ter illum, vel caput ejus mergendo, et toties elevando, baptizet sub trina mersione, sanctam Trinitatem semel tantum sic invocando: Ego te baptizo in nómine Patris, ✠ mergat semel; et Filii, ✠ mergat iterum; et Spiritus ✠ sancti, mergat tertio; Patrino, vel Matrino, vel utroque eum tenente, vel tangente.

51. Et cum Electus surrexerit de Fonte, Patrino vel Matrino cum linteo in manibus suscipit eum de manu Sacerdotis: et Sacerdos intincto pollice dextero in sacro Chrismate, illum in vertice in modum crucis perungit, dicens: Deus omnipotens, Pater Dómini nostri Jesu Christi, etc. pag. 35.

52. Deinde Sacerdos imponit capiti ejus linteolum, seu chrismale, et dat ei vestem candidam, dicens: Accipe vestem cándidam, etc. pag. 35.

53. Et statim prædicto linteo abstergitur, et in loco semoto vestitur novis et albis vestibus, et exteriore candida, quam accepit.

54. Postea dat ei Sacerdos candelam accensam in dextera manu, dicens: Accipe lámpadem, etc. ut supra.

Eodem modo, si plures fuerint, fit pro singulis.

55. Postea dicat: N. Vade in pace, et Dóminus sit tecum. R. Amen.

Si adsit Episcopus, qui id legitime præstare possit, ab eo Neophyti Sacramento Confirmationis initiatur.

56. Deinde si hora congruens fuerit, celebratur Missa, cui Neophyti intersunt, et sanctissimam Eucharistiam devote suscipiunt.

57. Si vero ob baptizandorum multitudinem, ut in India et novo Orbe quandoque contingit, in singulorum Baptismo præscripti ritus adhiberi non possunt, tunc vel pluribus simul adhibeantur, vel si urget necessitas, omittantur.

CAPUT 5. §. I.

ORDO SUPPLENDI OMISSA
SUPER INFANTEM BAPTIZATUM.

um urgente mortis periculo, vel alia cogente necessitate parvulus, sacris precibus ac cæremoniis prætermisissis, fuerit baptizatus, ubi convaluerit, vel cessaverit periculum, et ad Ecclesiam delatus fuerit, omissa omnia suppleuntur.

2. Sacerdos itaque, lotis manibus, superpelliceo et stola violacea indutus, accedat: Clericum unum, seu plures, si potest, secum adhibeat, superpelliceo pariter indutos, qui sibi ministrent.

3. Ita paratus accedat ad limen Ecclesiæ, extra quam expectant, qui Infantem, vel Infantes detulerunt, illum proprio nomine eidem imposito appellando, et dicens:

4. **N.** Quid petis ab Ecclesiâ Dei?

Patrino Catechesis respondet: Fidem.

Sacerdos: **Fides**, quid tibi præstat?

Patrino respondet: **Vitam ætérnam.**

5. Sacerdos: **Si** igitur vis ad vitam ingredi, serva mandáta. Díliges Dóminum Deum tuum ex toto corde tuo, et ex tota ánima tua, et ex tota mente tua, et próximum tuum sicut te ipsum.

6. Deinde ter exsufflet leniter in faciem infantis, et dicat semel:

Exi ab eo (vel ab ea), immúnde spíritus, et da locum Spíritui sancto Paráclito.

7. Postea pollice faciat signum Crucis in fronte, et in pectore infantis dicens:

Accipe signum Crucis tam in fronte, ✠ quam in corde: ✠ **sume** fidem coeléstium præceptórum, et talis esto móribus, ut templum Dei jam esse possis.

Orémus.

Oratio.

Preces nostras, quæsumus Dómine, cleméner exaúdi, et hunc eléctum **N.** Crucis Domínicæ impressióne signátum perpétua virtúte custódi: ut